

上元縣志

古蹟序

夫興亡成敗之運相禪於古今而過此以往莫非陳迹其感慨可勝道哉金陵自春秋之末肇有城邑吳晉以來建邦立號聲稱遂大創置滋多亦頗出於軌物之外下迨梁陳宮室園囿之盛遂至日新而月異當其崇基華構切漢連雲自謂爽鳩之樂永永無涯旣而壽陽兵至焚燎幾盡隋師渡江悉皆蕩墜今日之斷隴荒畦乃昔之長楊平樂也今日之蔓草寒煙皆昔之繁華佳麗也豈其所意及哉至若東山有謝

上元縣志

古蹟序

一

傅之墅北山有次宗之館冶城卞公之抗節幕府王導之建牙英賢遺踪往往而在後之賢人君子聞風興起誰無式閭表墓之思焉明祖創基上溯周漢下邁唐宋而此邦實爲建極之地煌煌乎典章文物非向之金陵所可同年而語矣其後遷都北平終明之世宮闕不改臺省如故號爲陪京距今百有餘載喪社旣屋故老無存而髣髴猶有可言者則皆古蹟之類也古語云墟墓之間未施哀於民而民哀宗廟之中未施敬於民而民敬不其然乎不其然乎且夫六代宮城皆在水北故往蹟惟上元爲最多茲故採摭

以備好古者省覽焉志古蹟第八其目凡十有五

都邑

宮室

郊廟

庠序

官舍

倉庫

苑囿

樓閣

亭臺

上元縣志

古蹟序

二

堂軒

柵埭

村驛

第宅

陵墓

碑碣

都邑

冶城金陵圖考春秋時金陵未有城邑惟石頭東有

冶城舊志本吳王夫差鑄劍之所一云孫吳卽今

朝天宮地通鑑注冶城近石頭在六朝西明門外

餘詳冶城山晉元帝太興初王導疾方士戴洋曰

君本命在申而申地有冶金火相鑠不利遂移冶城於石頭城東以其地爲西園是晉時猶爲冶處則以爲孫吳者近是

金陵邑城在石頭山相傳楚威王滅越置金陵邑於

此秦始皇改爲秣陵乾道志金陵邑城在清凉寺

西去臺城九里南開二門東一門

上元縣志

卷十三

都邑

一

石頭城卽楚金陵邑城也漢建安十六年孫權修理

改名石頭城用貯軍糧器械丹陽記吳時土塢義

熙初始加甃壘甃因山以爲城因江以爲池地形

險固尤有奇勢亦謂之石首城也其地控扼江險

爲金陵必爭之處王濬帥舟師過三山鼓譟入石

頭孫皓遂降東晉六朝嘗以腹心大臣鎮守之隋

平陳置蔣州城唐置揚州大都督府後移揚州於

廣陵此城遂廢德宗時韓滉觀察江東築石頭五

城起建業抵京峴樓雉相望遺址尚存一統志今

清凉寺卽古石頭城地圖經石頭城在上元縣西

四里南當淮口又有石頭倉城卽楚金陵也此按古稱石頭之險以控扼江流曰江水西建墩十里形勢變遷所謂必爭者昔人之說云爾今則異矣六朝都城舊志云吳大帝所築在淮水北五里據覆舟山下東環平岡以爲安西城石頭以爲重後帶元武湖以爲險前擁秦淮以爲阻周迴二十里十九步內爲宮城晉元帝渡江仍吳之舊而增築焉其諸城門皆用洛陽舊名宋齊梁陳皆因之凡十二門方輿紀要南曰宣陽平昌開陽津陽東曰東陽清明建陽西曰西明廣陽閭闔北曰廣莫大夏上元縣志

卷十三

都邑

二

按六朝之時以宮省所寓謂之臺城以宰相所居謂之東府以諸王所宅謂之西州以儲蓄所在謂之倉城皆不出都城之內輿地志云晉因吳舊都宋齊而下宮室有因有革而都城不改隋平陳後此城乃毀又自晉以來於秦淮南北兩岸設籬門五十六所謂之郊門又有國門梁天監中又作國門於越城東南亦曰望國門

臺城一曰苑城輿地紀勝本吳後苑城也晉咸和中改作新宮遂爲宮城下及梁陳皆因之晉宋時謂朝廷禁省爲臺故謂宮城爲臺城城周六里百一

十步有門六南曰大司馬東曰萬春曰東華西曰西華曰太陽北曰承明又自晉以後宮門初不立闕至梁天監七年始立石闕二於端門外陸倕爲銘按隋平陳建康城邑宮室悉令蕩絕然唐末張雉別將趙暉據上元欲治臺城爲府是此時城尚存楊吳改築而始廢也南都志云今西十八衛以南天津橋大街以北卽臺城故處

東府城在明皇城西安門外青溪橋東南臨淮水晉會稽王道子宅也道子領揚州在州東故曰東府自是領揚州者輒鎮焉爲六朝故事輿地志東府

上元縣志

卷十三

都邑

三

城晉安帝時築元和志城在上元縣東七里有東西南三門六朝時建康有事必置兵守此亦謂之東城金陵志宋武帝初領揚州築東府城此與輿地志異元嘉中彭城王義康更開拓之作東西塹自後常爲宰相府第蕭道成初封齊以東府爲齊宮梁末焚燬陳時徙治府城東三里齊安寺西臨淮水陳亡遂廢

西州城在縣治西二里周三里晉揚州刺史治所太元中會稽王道子領揚州而居東府故以此爲西州輿地志西州城元帝時築實錄城西接冶城東

連運瀆今朝天宮西卽西州橋宋曰望仙橋景定中又改曰武衛橋是其處也一云揚州治所在臺城西故謂之西州

建康城本秦秣陵縣地建安十七年孫權自京口徙都之改置建業而秣陵故治如故宋書所謂本治去京邑六十里者也晉平吳廢建業入秣陵太康三年復分淮水南爲秣陵北爲建鄴建興初改曰建康宋以後皆因之景定志舊有城在吳冶城東實錄云縣治在故都城宣揚門內古御街東寰宇記咸和六年徙出宣揚門外御街西在臺城南七

上元縣志

卷十三

都世

四

里隋省入江寧

秣陵城晉元熙初省揚州禁防參軍移秣陵縣治其處胡氏曰今西州橋冶城之間卽元熙移置秣陵之地按此則景定志謂冶城東有建康舊城者誤丹陽城在城南五十里本秦縣始皇三十七年過丹陽至錢唐卽此漢仍爲縣屬丹陽郡晉以下俱因之隋唐間始廢俗謂之小丹陽對郡而言也今縣有丹陽鄉金陵志其治則丹陽市是也陽一作楊晉書境內有赤山山多赤柳故名又丹陽郡城在今江寧縣界內湖熟城在城東四十五里淮水北漢丹陽郡屬縣也

吳省爲典農都尉晉以後復置隋廢爲湖熟鎮宋
以爲淳化鎮在今高橋門外二十里亦曰淳化關
其地遮蔽句容應接京口形勢衝要有巡司戍守
焉

金城在城東北三十五里相傳孫吳所築金陵新志
上元縣金陵鄉舊名金城成晉太元八年破苻堅
師旋謝安勞師於金城卽此或稱瑯琊城咸康初
桓溫爲瑯琊內史鎮金城齊書云南瑯琊本治金
城永明中移白下戚氏以爲卽句容之瑯琊城蓋
地相近

上元縣志

卷十三

都邑

五

臨沂城在城西北三十八里本漢東海郡屬縣東晉
分江乘縣地置南琅邪郡始立臨沂爲郡治齊永
明中移郡治白下縣屬焉志云城在獨石山北臨
大江梁敬帝時陳霸先大破齊人於幕府山追奔
至臨沂卽此隋初郡縣俱廢又有陽都廢縣東晉
初僑置屬南琅邪郡宋大明中省入臨沂又有卽
邱廢縣亦東晉初僑置宋元嘉中省入陽都

懷德城在城北晉元帝渡江其瑯琊國人隨之者近
千戶大興三年因立懷德縣實錄云舊志於宮城
南七里後改爲費縣移於宮城西北三里宋元嘉

中省古迹編費縣故城在今上元縣九里溝溝村
同夏城在縣東十五里梁武帝生於同夏里大同元
年因以置縣圖經其地有同夏浦舊有城今長樂
鄉是隋省入江寧

白下城在城西北十四里輿地志卽江乘廢縣之白
石壘也當石頭城之東北臺城之西本名白石陂
陶侃討蘇峻築壘於此其後謂之白下宋元嘉中
魏人南寇詔分軍守白下新亭諸處是也齊武帝
以白下城依山帶江因移南琅邪郡治焉置鎮戍
守元和志東晉以後江津要地或言白石或言白
上元縣志

卷十三

都邑

六

下實一處也圖經今靖安鎮北有白下城故基屬
金陵鄉胡氏云蓋卽今之龍灣唐初嘗改金陵爲
白下縣治此

江寧城宋志晉武帝太康初分秣陵立臨江縣更名
江寧其地爲今江寧縣西南六十里之江寧鎮此
城乃隋開皇十年移於冶城其後屢改爲上元者
也

白馬城丹陽記云在石頭城西南最高處舊置烽火
臺并置城爲戍守處蓋孫吳以後大約於沿江築
臺以舉烽燧

東宮城本吳永安宮在臺城東門外宋元嘉十五年
修永安宮爲東宮城

蔣州城見前又金陵府城宮苑記隋大業六年置元
風觀南園是

南唐都城志云楊吳順義中築初六朝舊城在北去
秦淮五里及徐溫改築稍遷近南夾淮帶江以盡
地利西據石頭南接長干東至白下橋北臨珍珠
河周圍二十五里設東西二水門以通淮水出入
內有子城周四里是爲金陵府南唐因而都之宋
初置昇州治南渡後改建康府設行宮留守焉其

上元縣志

卷十三

都邑

七

地在縣治內橋北

明都城卽今省城明初因南唐之舊拓而大之東盡
鍾山之麓西阻石頭之固北控湖山南接長干貫
秦淮於中橫縮紆徐周九十六里爲門十三其外
郭西北則依山帶江東南則阻山控野周一百八
十里有門十六紫禁城建於都城東偏當鍾山之
陽卽今駐防所居也一統志云太祖營建都城規
模宏遠然至晚年而悔之其祀光祿竈文有曰宮
城之地首昂中窪形勢不稱本欲遷都年老力倦
廢興有命唯有聽天及太孫纂位日月未幾而燕

師已入金川後竟置之為陪京虛設府寺寢廟薦獻歲時而已康熙中

聖祖南巡有金陵舊禁城懷古及再過明故宫詩

宮室

吳太初宮實錄平長沙王策故府也大帝遷都建業徙武昌宮室材瓦繕太初宮其正殿曰神龍中門曰公車中門之東曰升賢又東曰左掖中門之西曰明揚又西曰右掖又東面門曰蒼龍西面門曰白虎北面門曰元武繼又於宮中作臨海赤鳥等殿鸞碕臨碕等門吳都賦所云左稱鸞碕右號臨

上元縣志

卷十三

宮室

八

碕者也

吳昭明宮在太初宮東後主皓甘露二年建謂之新宮大開苑囿起土山作樓觀飾以珠玉又鑿城北渠引後湖水流入宮內巡繞堂殿窮極伎巧晉避諱改曰顯明宮

晉建康宮即吳太初宮故址晉元帝渡江營之以居

蘇峻之亂盡焚臺城宮室咸和七年改作新宮名

曰建康宮亦曰新宮其正殿曰太極殿晉初造以

十二月梁武帝改製十三間以象閭有東西堂及東西二閣自是屢加修飾徐廣晉記謝安造太極殿欠一梁忽有梅木流至石頭城下因取為梁畫梅花於上以表嘉瑞丹陽記太極殿周人路寢

之制也秦孝武太元中又造清暑殿金陵志殿前

漢以前殿林園爽塏奇麗天下無比雖暑月常有清風故

以為名宋大明五年鳴尾中生嘉禾株五莖因

改為嘉禾增造含章玉燭紫極諸殿合章殿即壽

不殿點額處玉燭殿孝武壞武帝所居造紫極殿陽公主梅花

極殿明帝所作珠簾綺柱江左未有齊作昭陽

顯陽二殿永明中復作壽昌鳳華靈曜三殿東昏

侯大起芳樂玉壽等殿以麝香塗地刻畫粧飾窮

花以行又靈和殿亦齊作即武帝以蜀梁時有五

明披香鳳光文德武德樂壽諸殿皆晉宋以來所

修造五明殿即仇膺難魏使崔敏處庾而光華寶

雲諸殿往往以施佛寺又有至敬淨居壽光等殿

上元縣志

卷十三 宮室 九

至敬殿梁主藏七廟座於其中淨居則梁主燕居

之所也壽光殿亦曰壽光省武帝受禪范雲徘徊

壽光閣外陳代建置滋多時宮中有嘉德昭德壽

安乾明覺華等殿復營承明含香柏梁諸殿前後

以數十計焉

晉永安宮本吳之東宮也宮苑記云在臺城東華門

外安帝立何皇后居此謂之永安宮桓元折其材

木入西宮以其地為射圃

宋親蠶宮在臺城西白石壘南史宋大明三年立皇

后親蠶宮於西郊

宋四宮廢帝景和元年以東府城為未央宮石頭城

爲長樂宮北即爲建章宮南第爲長楊宮

齊青溪宮在城東二里齊武帝紀云宋元嘉十七年
生於建康青溪宅永明元年築青溪舊宮即故宅
也後爲芳林苑

梁金華宮在青溪東去臺城三里輿地志大同中築
陸襄傳云昭明太子蔡妃所居以襄爲家令知金
華宮事

陳安德宮建康志在宣陽門外直西即都城西南角
宣帝爲文皇后築隋平陳嘗移江寧縣治於此中
有池宋末猶存人呼爲安德宮池

上元縣志 卷十三 宮室 一十

南唐宮南唐改金陵府舍爲宮殿有興祥崇英凝華
積慶等殿時宮中又有萬壽清暉等殿及澄心堂
百尺樓綺霞閣之屬德昌宮則內府庫藏之所也
宋克南唐仍爲昇州治慶歷八年江寧大火延燒
殆盡惟存玉燭一殿高宗紹興二年修爲行宮元
至元五年拆故宮材木輸之大都遺址僅存

明故宮在舊紫禁城內正值古燕雀湖之地左順門
內殿曰文華右順門內殿曰武英奉天門內大殿
曰奉天東曰文樓西曰武樓大殿左爲中左門右
爲中右門後爲華蓋殿後謹身殿殿後乾清宮宮

後坤寧宮宮左有二殿曰柔儀曰春和

中堂在古都城宣陽門外或謂之南皇堂六朝時建
康有警多以親貴出頓中堂晉紀孝武以太學在
秦淮南去臺城懸遠權以中堂為太學釋奠焉金
陵志吳建中堂每歲暮習元會儀於此

儀賢堂在華林園內吳建本名延賢堂宋元嘉三年
帝臨延賢堂聽訟自是每歲三訊皆於此堂因名
聽訟堂梁太監七年改名儀賢策孝廉秀士於此

一云在古都城宣陽門內

宣猷堂在梁東宮內梁紀修飾國學增廣生員立五

上元縣志

卷十三

宮室

十一

館置五經博士皇太子宣城王亦於是堂講論釋
老蕭子顯傳謝朓出守建安於宣猷堂宴餞賦詩
用十五劇部陳姚察傳察年十三即引於宣猷堂
聽講論難為儒者所稱

大本堂明洪武初建為太子諸王授經之所延四方
耆儒於其中公侯子弟皆就學焉

郊廟

古北郊壇晉成帝咸康八年立於覆舟山南制度一
如南郊宋孝武大明三年移於鍾山北原尋復舊
今定林寺山巔有平基二所濶數十丈即其地盧

循入寇劉裕使劉敬宣屯於北郊梁敬帝時齊軍至元武湖西北將據北郊壇陳霸先帥衆軍自覆舟山東移頓壇北以拒之是也

社稷壇晉元帝建武元年依洛京立二社一稷凡三壇在唐江寧縣東

粵壇晉立於南郊之旁梁武帝移於南郊在籍田域內

籍田壇在城東十五里隋志梁普通二年詔移籍田於建康北岸築兆域大小列種梨柏便殿及齊宮若如南郊別有望耕壇在壇東帝耕畢登此以觀

上元縣志

卷十三

郊廟

十三

公卿之推又有祈年殿梁敬帝時徐嗣徽等引齊兵犯建康至湖熟陳霸先使侯安都拒之於高橋又戰於耕壇敗之卽此

鍾山壇在鍾山南巖上苻堅南寇至壽春晉孝武帝禱神祈助處

受禪壇在石頭城高壘上舊志以爲宋高祖受禪柴燎告天之所

明天地壇在正陽門外之左京城圖志高帝以王者父天母地無異祀之禮乃建壇於此合而祭之以仁祖配左右列壇以日月星辰嶽鎮海濱風雲雷

兩山川太歲歷代帝王天下神祇城隍之神從祀
每歲以正月中旬行郊禮壇制闢四門而繚以朱
垣內復爲垣上爲大祀殿前爲齋宮壇西設神樂
觀肆習郊廟之樂焉

社稷壇南畿志在端門右社街門之內明祖謂五土
生五穀以養民乃合祭於一壇

龍江壇在金川門外明初置爲行幸出師親王之國
祀於此

晉太廟在秦淮西元帝置宋以後仍之至陳乃廢

九州廟宋書明帝立九州廟於雞籠山下大會羣神

上元縣志

卷十三

郊廟

三

明太廟在端門左廟街門之內

宋明堂大明中立金陵志在城東南七里不詳其處

宮苑記在博士省南博士省在國學南國學在太

廟南按實錄晉國學在唐江寧縣東南東通淮水

又古志謂晉孝武常嫌廟東迫淮水其語正合是

明堂與太廟國學其地皆當相近也

望耕臺在城東白上村宋文帝嘗登此臺以觀公卿

親推之禮

日觀臺在臺城內宮苑記臺城西有日觀臺祥符圖

經云宋司天臺也

觀象臺在雞鳴山巔明初欽天監觀天象於此上有璇璣玉衡量天尺渾天球銅壺滴漏日晷風竿星宿海等物重門週垣官廳圍房欽天監儀正等官司之今廢

庠序

晉國學成帝初立太學淮水南在丹陽城東南太元九年從謝石請興復國學實錄在唐江寧縣唐江寧在城東南二里古御街東東逼淮水時呼國子學西有夫子堂皇太子堂南有諸王省卽博士省也既立國學併太學入焉

上元縣志

卷十三

庠序

十四

宋儒元文史四學官苑記儒學在鍾山麓時呼北學今草堂寺隆報寺是也元學在雞籠山東棲元寺側文學史學並在耆闍寺側

總明觀宋明帝太始六年置於冶城設祭酒學士又名東觀齊武帝永明三年詔復立國學而省總明

觀

蓋卽以總明觀爲國學也

梁天監八年昭明太子釋奠宋雍

熙中有文宣王廟在城西北三里慶元景定二志皆以爲冶城故基豈非宋齊梁陳舊學所在乎天聖中知府張士遜奏徙浮橋東北卽明應天府學地也

明國子監在雞鳴山之陽

國朝改為江寧府學

武學在大市街北巷內明洪武中設以教武官幼者及兵家子弟領於兵部

招隱館在草堂寺側宋為雷次宗築

士林館在臺城西梁武帝建梁書張綰傳城西開士林館聚學者綰與右衛朱异太府卿賀琛遞述制書作禮記中庸義時又有集雅館皆會集諸儒講學談禮之所云

官舍

上元縣志

卷三

官舍

五

古三臺五省金陵志吳時自宮門南出夾苑路至朱雀門七八里府寺相屬吳都賦列寺七里廨署棊布見諸志者曰三臺五省三臺在臺城東南一里

宮苑記蘭臺在杜姥宅東南端門街東逼東陽門橫街謂者臺御史臺并在其內五省在三臺路北

苑城記三臺五省悉列種槐木又實錄云鴻臚寺

衛尉府宗正寺太僕寺太弩署脂澤庫太史署太府寺與客省右尚方俱在古宣陽門內今縣城

謂唐之江寧縣也東一里二百步元風觀後隔路儀賢堂

更近北也

吳扶南署實錄吳赤烏七年扶南獻樂人置署以教
樂圖經在江寧縣北二里

晉廩犧署晉志在東府城後以養天地宗廟犧牲

宋錦署在福城寺東

宋錢署在五城村淮水北

此五城蓋韓滉所築在石頭者

宋平淮署在五城村藏戈船樓艦之所如偃月形

刻漏署故事銅蟠螭置在臺城宋平姚秦遷洛陽舊

物蟠螭在焉

紙官署在長樂橋側齊造銀光紙賜王僧虔處

按長樂橋

今隸江寧縣界

上元縣志

卷十二 官舍

六

乘黃署輿地志在公車府西北王輅及諸廟車凡駕

馬之所

止戈署在東宮城後路北本梁騎官署造兵器處

南唐司會府在白下橋即宋置上元縣治之所今大

中橋也

宋轉運司乾道志紹興三年以建康府治建行宮改

轉運司為府治

即明舊內地

而移轉運司於子城之西

金陵志元為按察司廉訪司總管府財賦司公廨

後為潛邸今龍翔寺基是也

今武學處

宋總領所乾道志在行宮西南都酒務北有使華堂

碧鮮亭又都統制衙在行宮子城北背紹興中建
明文武公署一統志宗人府吏戶禮兵工五部及詹
事府翰林院太醫院在長安左門之南中左右前
後五都督府及太常寺通政司錦衣衛欽天監鴻
臚寺行人司在長安右門之西刑部都察院大理
寺在太平門外光祿寺尚寶司及六科在禁內餘
見廨署

古六館宮苑記國館六曰顯仁集雅顯信來遠職官
行人顯仁在青溪中橋五館並相近惟行人在婁
湖離門外皆所以處遠國之使

上元縣志

卷三

官舍

七

任子館吳志諸將屯戍並留任子爲立任子館晉咸
和五年始除實錄注地在覆舟山南

倉庫

古苑倉吳赤烏三年使御史郝儉鑿城西南自秦淮
北抵倉城金陵記吳置倉城在苑城中故曰苑倉
卽東晉以後之太倉也晉咸和中蘇峻反王師連
敗績太倉惟有燒餘米數石以供御膳卽此
龍首倉在石頭城亦謂之石頭津倉江左置時又有
臺城內倉常平倉東宮倉

古石頭庫吳都賦云戎車盈於石頭註云石頭城中

置府庫貯軍儲故云

明棕園漆園桐園〔南畿志〕並在鍾山之陽園各植萬株初海運作海船防倭作戰艦所需甚繁故植之免取於民又靛園在城西北紅花地在城北供絲染苜蓿園在城東以處牧放

明香稻田番麥厰並在城東以享宗廟

牧馬草場俗名十八疇毛田場在興賢鄉殷家場在崇禮鄉崇勝場在道德鄉湖熟東場湖熟西場淡蕩場俱在清化鄉湖熟二場焦田上場焦田下場俱在丹陽鄉社子場塞山場俱在宣義鄉楊柳場

上元縣志

卷三

倉庫

六

在泉水鄉平捏場在鳳城鄉皇大場皇小場在盡節鄉黃家場歡培大場歡培小場俱在神泉鄉雙廟場在北城鄉皆明初置今墾爲田

六疾館齊文惠太子與竟陵王子良立六疾館以收養窮民未詳所在

孤獨園梁武帝普通二年於建康置孤獨園以養窮民未詳所在

苑圃

華林園〔紀要〕在古臺城內建康宮北隅吳時宮苑也晉曰華林園中有天淵池蓋倣洛陽舊制簡文帝

謂有濠濮間趣覺魚鳥自來相親卽此自晉以後
每臨華林園聽訟爲六朝故事宋元嘉中築景陽
山於此始造景陽樓大壯觀層城觀通天觀及鳳
光華光興化諸殿後又建靈曜前後殿日觀臺芳
香堂竹林堂之屬梁建重雲光嚴二殿陳造臨春
結綺望仙三閣皆此地宮苑記天淵池之水卽吳
時所引元武湖水也

桂林苑在縣北落星山之陽宮苑記吳苑也吳都賦
數軍實於桂林之苑

樂遊苑紀要在覆舟山南晉之芍藥園也義熙中卽
上元縣志

卷三 苑園

九

其地築臺以拒盧循因名藥園壘宋元嘉中闢爲
北苑更造樓觀於山後改名樂遊苑往往禊飲於
此今城北小教場卽其地又宋明堂在樂遊苑南
芳林苑在古湘宮寺前寰宇記亦名桃花苑齊高帝
改青溪宮爲之永明五年禊飲於此王融曲水詩
序云載懷平浦乃瞻芳林謂此

方山苑在方山下齊武帝立

芳樂苑在故臺城中南史齊東昏侯卽臺城闕武堂
爲芳樂苑百姓歌云闕武堂種楊柳至尊屠肉潘
妃沾酒

博望苑舊志在縣東六里齊文惠太子所立沈約郊
居賦昔儲皇之舊苑實博望之餘基元和志唐初
輔公祏構亂築以爲城公祏平城遂廢

青林苑宮苑記在籬門亭北路西枕後湖

上林苑在雞籠山東古歸善寺後呂苑記宋孝武帝
立名西苑梁改名上林其地有古池俗呼爲飲馬
塘

北苑南唐築在城北不詳其所其時文臣侍宴賦詩
作序有望蔣嶠之嶽釜泛潮溝之清淺等語猶可
想見

上元縣志

卷十三

苑園

三

元圃在古臺城北亦齊文惠太子築輿地志圃內有
明月觀宛轉廊徘徊橋梁書昭明太子立館于元
圃以廷朝士番禺侯軌盛稱宜奏女樂太子不答
惟詠左思招隱詩何必絲與竹山水有清音軌大
慙

西園一名別苑卽冶城地王導所築晉書成帝幸司
徒府游觀西園卽此

東籬門園在東府籬門內南史何點居此園有下忠
貞冢點植花冢側每飲必舉酒酌之金陵志今祠
堂疑是其所若東籬門在古肇建市東車馬通衢

非隱士所居之地矣以郭文舉臺類推之可見
沈約郊園在鍾山下約憇郊園和約法師詩云郭外
三十畝欲以質朝餽繁蔬既綺布密果亦星懸謝
朓有和沈祭酒行園詩

半山園金陵志今報寧寺是其地王荆公營居半山
園有詩示蔡天啓備述其事所謂今年鍾山南隨
分作園圃是也又次吳氏女子詩自註云南朝九
日臺在孫陵曲街旁去吾園數百尺

養種園在舊東門外一里而近本南宋養種行宮花
木之處馬光祖修有熙春堂芳潤亭

上元縣志

卷三

苑園

三

東園在城東東冶亭側宋乾道五年與東冶亭並創
謝公墅慶元志在土山唐温庭筠謝公墅歌云朱雀
航南繞香陌謝郎東墅連春碧

謝元別墅卽元叔父安奕棋所勝者至宋屬檀道濟
故一名檀城在青溪東數里一云卽土山墅去城
四十里

王騫墅南史騫歷黃門郎司徒右長史有舊墅在鍾
山八十餘頃與諸宅及故舊共佃之嘗謂人曰我
不如鄭公業有田四百頃而食常不周以此爲愧
梁武帝於鍾山西造大愛敬寺騫墅在寺側帝宣

自取之寤曰此田不賣若勅取亦不敢言帝怒許
價取之墅卽王導賜田也